



Broj: T18 0 KT 0019279 26
Brčko, 03.07.2026. godine

Potvrđena optužnica dana 06.07.2026.godine

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

D. A., rođen ... 2003. godine u Vranju, Republika Srbija

Što je:

Dana 06.12.2025. godine, oko 03.20 časa, u Brčko distriktu BiH, u ulici Islahijet, krećući se putničkim motornim vozilom marke „Audi“ model A3, registarskih oznaka ..., vlasništvo Đ. M., zajedno sa Š. Đ. i A. M., dolaskom u neposrednu blizinu ugostiteljskih objekata „Check in“ i „Ficibar“, zaustavio vozilo na sredini saobraćajne trake, a potom nakon kraće verbalne i fizičke prepirke sa Š.Đ., izašao iz vozila, pa svjestan da udarcima rukama i nogama može oštetiti tuđe putničko motorno vozilo, što je i htio, više puta udario rukama i nogama u prednje i zadnje vjetrobransko staklo vozila, kojom prilikom su na istom nastala oštećenja u vidu razbijenog prednjeg i zadnjeg vjetrobranskog stakla, čime je vlasniku vozila pričinjena šteta u iznosu od 925,00 KM,

dakle, oštetio tuđu stvar,

čime je učinio krivično djelo – Oštećenje tuđe stvari – iz člana 287. stav (1) Krivičnog zakona Brčko distrikta BiH.

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****
